

博
物
典
彙

博物典彙卷之七

史官黃道周參玄氏纂

后妃

謹選立之道

宋范祖禹言於朝曰。皇帝納后。宜先知者有四。不可不謹也。一曰族姓。二曰女德。三曰隆禮。四曰博議。所謂族姓者。臣聞古之帝王。所與爲婚姻者。必大國諸侯。先聖王之後。勲賢之裔。不然。則甥舅之國也。不以微賤上敵至尊。故其禍祚。

盛大子孫繁昌。昔黃帝娶於西陵之女。是爲嫫
祖。爲帝正妃。其子孫皆有天下。五帝三王皆黃
帝之後也。舜娶帝堯之二女。釐降于嬀汭。遂有
天下。大禹娶塗山。是生夏啓。天下歸之。子孫享
國四百七十餘年。成湯娶於有莘氏。子孫有天
下六百餘年。周之先祖后稷。生於姜嫄。世有賢
妃。太王娶太姜。是生王季。王季娶太任。是生文
王。文王娶太姒。其禮尤盛。太雅歌之曰。文定厥
祥。親迎於渭。造舟爲梁。不顯其光。自古昏禮未

有如文王之盛也。太姜炎帝之後也。太任太昊
之後也。太姒太禹之後也。太姒生十子。武王周
公皆聖人也。其餘皆爲顯諸侯。周之子孫。徧于
天下。太姒之德也。詩人美文王之聖。本由太任
其詩曰。思齊太任。文王之母。思媚周姜。京室之
婦。太姒嗣徽音。則百斯男。又曰。刑于寡妻。至于
兄弟。以御于家邦。言文王之化。自家及國。以至
天下也。周南關雎。后妃之德。人倫之始。風化天
下。皆美太任太姒也。武王亦娶于姜。是生成王。

周有天下三十餘世。八百餘年。其基本蓋由此也。故族姓不可不貴。所謂女德者。臣聞三代之興。皆有賢妃。其亡也。皆有嬖女。夏之興也。以塗山。其亡也。以妹喜。商之興也。以有娥。其亡也。以妲己。周之興也。以姜嫄。其亡也。以褒姒。此皆聖賢所紀。詩書所載。垂之後世。以爲永鑒者。秦漢以後。婚姻多不正。無足取法。惟後漢顯宗明德馬后。唐太宗文德長孫后。皆有后德。出於勲賢之家。其餘敗亂。足以爲戒而已。恭惟本朝太祖

皇帝以來。家道正而人倫明。歷世皆有聖后內德之助。自三代以來。未有如本朝家法也。皇帝聖德明茂。睿質純粹。天監在下。必生聖女以佐皇家。惟陛下遠觀上古。近鑒後世。上思天地宗廟之奉。下爲萬世子孫之計。選卜窈窕。以母儀萬國。表正六宮。非有德孰可以當之。然閭門之德。不可著見。必視其世族。觀其祖考。察其家風。參以庶事。亦可知也。昔漢之初。大臣議欲立高帝子齊王。皆曰。王母家駟釣惡戾。虎而冠者也。

代王母家薄氏。君子長者。乃立代王。是爲文帝。
文帝爲漢之賢王。亦由其母家仁善也。故女德
不可不先。所謂隆禮者。臣聞天子之與后。猶天
之與地。日之與月。陽之與陰。相須而後成者也。
孔子對魯哀公曰。古之爲政。愛人爲大。所以治
愛人。禮爲大。所以治禮。敬爲大。敬之至。大昏爲
大。夫昏至矣。大昏旣至。冕而親迎。親之也。哀公
曰。冕而親迎。不已重乎。孔子愀然作色而對曰。
合二姓之好。以繼先聖之後。以爲天地宗廟社

禮之主君。何謂已重乎。蓋深非之也。臣今與衆
官討論講議。皆約先王之禮。參酌其宜。不爲過
隆。願陛下勿以爲疑。進言者必曰。天子至尊。無
敵於天下。不當行夫婦之禮。臣謹按禮冠昏。唯
有士禮。而無天子諸侯之禮。故三代以來。唯以
士禮推而上之。爲天子諸侯之禮。蓋以成人之
與夫婦。自天子至於士。則一也。臣切聞親王宗
室之間。娶妻殊無齊體之禮。敬而親之之義。天
下豈有獨尊而無配偶者哉。至於鄙慝之禮。或

雜戎狄之俗。或習委巷之風。下自士族。上流官禁。有涉於此者。願陛下一切屏絕之。以正基本。以先天下。故禮不可不隆。所謂博議者。臣聞古者天子聘后。上公逆之。諸侯主之。故春秋書祭公來。遂逆王后于紀。夫國有大事。大臣不容不預聞也。昔慈聖先獻之立也。已臣初定其議。故其詔曰。覽上宰之敷言。其冊曰。宗公鼎臣。誦言于朝。先是茶商陳氏女亦預選擇。王曾宋綬皆以爲言。繼有言者。遂罷陳氏。仁宗所以爲聖者。

能從衆也。進言者必曰：此陛下家事，非外人所預。自古誤人主者，多由此言也。天子以四海爲家，中外之事，孰非陛下家事？大臣無不可預之理。且陛下用一執政，進一近臣，必欲協天下之望，況立皇后以母天下乎？臣恐陛下一旦降詔云：立某氏爲皇后，則大臣雖有所見，亦難乎論議矣。今陛下之所選擇，莫若出某姓氏，宣問大臣。若聖志既定而衆議僉同，則卜筮協從鬼神，其依天人之意，無不同矣。故議不可不博。○真

氏曰古者天子諸侯皆娶大國其國以妨姪從
正妃死次妃攝行內事而無有嗣升后夫人之
位者故齊桓公蔡丘之盟毋以妾爲妻魯公子
荆之母嬖哀公將以爲夫人使宗人躒夏獻其
禮對曰無之公怒曰女爲司宗立夫人國之大
禮也何故無之對曰周公及武公娶於薛孝惠
娶於商商宋也自桓以下娶於齊此禮也則有若
以妾爲夫人則固無其禮也春秋之世犯蔡丘
之盟者多矣獨宗人躒夏能守其禮自漢文以

後人主惟意所向。不復議矣。若魏文帝將立郭
貴嬪爲后。而中郎棧潛爭之。唐明皇將立武惠
妃爲后。而御史潘好禮爭之。十數百年之間。能
守此禮者。又獨二臣爲然。餘則惟主意所欲。且
習以爲常。無復議之者矣。嗚呼。禮之失久矣。誠
重帝王之匹。正風化之本。其可苟乎。

賴規警之益

周宣姜后賢而有德。事非禮不言。行非禮不動。
宣王嘗早卧晏起。后夫人不出於房。姜后旣出。

乃脫簪珥待罪於永巷使其傅母通言於王曰
妾不才妾之淫心見矣至使君王失禮而晏朝
以見君王之樂色而忘德也人苟樂色必好奢
好奢必窮樂窮樂者亂之所興也原亂之興從
婢子起敢請罪唯君王命王曰寡人不德實自
過適從寡人起非夫人罪也遂復姜后而勤於
政事早朝晏退繼文武之迹興周室之業卒成
中興之名爲周世宗。○齊鷄鳴思賢妃也哀公
荒淫怠慢故陳賢妃貞女夙夜警戒相成之道

焉。鷄既鳴矣。朝既盈矣。匪雞則鳴。蒼蠅之聲。東方明矣。朝既昌矣。匪東方則明。月出之光。羣飛
薨薨。甘與子同夢。會且歸矣。無廢予子惜。○楚
樊姬者。莊王之夫人。莊王初卽位。好狩獵。畢弋
樊姬諫不止。乃不食禽獸之肉。三年而王改。○
齊衛姬者。桓公夫人。公好淫樂。衛姬爲不聽鄭
衛之聲。

明嫡媵之辯

春秋傳辛有諗周公曰。並后匹嫡。兩政耦國。亂

之本也。綠衣衛莊姜傷已也。妾上僭夫人失位而作是詩。其一章曰綠兮衣兮。綠衣黃裳。心之憂矣。曷維其已。一章曰綠兮衣兮。綠衣黃裳。心之憂矣。曷維其亡。

懲廢奪之失

詩白華。大夫刺幽后也。幽王娶申女以爲后。又得褒姒而黜申后。故下國化之。以妾爲妻。以孽代宗。而王不能治。庸人爲之作是詩也。白華。齊今。茅束兮之子之遠。伴我獨兮。莫莫。白雲露

彼菅茅。天步艱難。之子不猶。漉池北流。浸彼稻
田。嘯歌傷懷。念彼碩人。樵彼桑薪。叩烘于燂。維
彼碩人。實勞我心。鼓鍾于宮。聲聞于外。念子懔
懔。視我邁邁。有鸞在梁。有鶴在林。維彼碩人。實
勞我心。鸞鸞在梁。戢其左翼。之子無良。二三其
德。有扁斯石。履之卑兮。之子之遠。俾我底兮。
瞻卬凡伯。刺幽王大壞也。其三章曰。哲夫成城。
哲婦傾城。懿厥哲婦。爲梟爲鴟。婦有長舌。維厲
之階。亂匪降自天。生自婦人。匪教匪誨。時維婦

寺。正月之章曰燎之方揚。寧或滅之赫赫宗

廟。絜奴威之。

威音

宮闈內外之分

記古者天子后立六宮。三夫人。九嬪。二十七世婦。八十一御女。以聽天下之內治。以明章婦順。故內和而家理。天子立六宮。三公。九卿。二十七大夫。八十一元士。以聽天下之外治。以明章天下之男教。故外和而國治。故曰天子聽男教。后聽女順。此之謂盛德。是故男教不脩。易事不得。

適見於天。日爲之食。婦順不脩。陰事不得適見。於天。月爲之食。是故日食。則天子素服而脩六官之職。月食。則后素服而脩六宮之職。故天子之與后。猶日之與月。陰之與陽。相須而后成者也。天子脩男教父道也。后脩女教母道也。故曰天子之與后。猶父之與母也。○曲禮曰。外言不入於梱。內言不出於梱。○東漢后紀序曰。夏殷以上。后妃之制。其文畧矣。周禮王者立后。三夫人。九嬪。二十七世婦。八十一女御。以備內職焉。

后正位宮闈同禮天王。夫人坐論婦體九嬪掌
教四德世婦主喪祭賓客。女御序于王之燕寢
頒官分務各有典司。女史彤管記功書過。居有
保阿之訓動有環佩之響。進賢才以輔佐君子
哀窈窕而不淫其色。所以能述宣陰化脩成內
則閨房肅雍。險諂不行也。故康王晚朝關雎作
諷。宣后晏起姜氏請愆。及周室東遷禮序凋缺
諸侯僭縱軌制無章。齊桓有如夫人者。六人晉
獻升戎女爲元妃。終於五子作亂家嗣遺逸。爰

逮戰國風憲逾薄適情任欲顛倒衣裳以至被
國卞身不可勝數斯固輕禮弛防先色後德者
也。

宮闈預政之戒

春秋傳齊桓公葵丘之盟曰毋使婦人預國事。
○班彪曰三代以來春秋所記王公國君與其
失世。希不以女寵漢興后妃之家呂霍上官幾
危國者數矣及王莽之興由孝元后歷漢四世
爲天下母享國六十餘載群弟世權更持國柄

五將十侯卒成新都位號已移於天下而元后
惓惓猶握一璽不欲以授莽婦人之仁悲夫○

范曄曰自古雖主幼時艱必委成冢宰簡求忠
賢未有專任婦人斷制重器唯秦羊太后始攝

政事故穰侯權重於昭王家富於秦國漢仍其

繆知患莫改權歸女主外立者四帝

四帝安臨
質桓靈

朝者六后

竇鄧閹梁
竇何是也

莫不定策帷帟委事父兄

貪穢童以久其政抑明賢以專其威○魏文帝

詔曰婦人與政亂之本也自今以來群臣無得

奏事太后。后族之家。不得輔政。唐史臣曰。禮
本夫婦。詩始后妃。治亂因之。興亡係焉。盛德之
君。帷薄嚴奧。裏詔不干于朝。外言不納諸梱。關
雎之風行。彤史之化脩。故淑範懿行。更爲內助。
若夫豔嬖之興。常在中主。第禍旣接。則情與愛
遷。顏辭媚熟。則事爲私奪。乘易昏之明。牽不斷
之柔。險言似忠。故受而不詰。醜行已效。反徂而
爲好。左右附之。愴壬悲之。狡謀鉗其悟先。哀誓
捷於寵初。天下之事已去。而恬不自覺。此武韋

博物志卷七

所以遂篡弑而喪王室也。

儲貳

建立之計宜蚤

春秋莊六年九月丁卯子同生。胡安國曰。經書子同生。所以正國家之本。明後世匹嫡奪正之事。垂訓之義大矣。此世子也。其不曰世子何也。天下無生而貴者。誓於天子。然後爲世子。按真氏曰。古者之生世子。則已表而錫之。使國人皆知之所以繫衆望也。是則國本之定。不在於建儲之日而已。定於始生之初。此春秋與子同之

生。必謹而書之也。○僖十七年齊侯之夫人三王姬徐贏蔡姬皆無子。齊侯好內多內寵。內嬖如夫人者六人。長衛姬生武孟。少衛姬生惠公。鄭姬生孝公。葛嬴生昭公。密姬生懿公。宋華子生公子雍。公與管仲屬孝公於宋襄公。以爲太子。雍巫有寵於衛。其姬因寺人貂以薦羞於公。亦有寵。公許之。立武孟。管仲卒。五公子皆求立。冬十月乙亥齊桓公卒。易牙入與寺人貂因內寵以殺群吏而立公子無虧。孝公奔宋。十八年

春宋襄公以諸侯伐齊三月齊人殺無虧齊人
將立孝公不勝四公子之徒遂與宋人戰及五
月宋敗齊師于靡立孝公而還○史記齊景公
適子夙寵妾芮姬生子荼荼少其母賤無行諸
大夫恐其爲嗣乃言願擇諸子長賢者爲太子
景公老惡言嗣事又愛荼母欲立之憚族之口
乃謂諸大夫曰爲樂耳國何患無君乎秋景公
病命國惠子高昭子立少子荼爲太子逐群公
子景公卒太子荼立是爲晏孺子群公子畏誅

皆出亡。晏孺子元年。田乞攻高昭子殺之。乃使
人之魯。召公子陽生。陽生至齊。匿田乞家。十月
田乞請諸大夫曰。常之母有魚菽之祭。幸來會
飲。田乞盛陽生橐中。置坐中。族橐出之曰。此齊
君也。鮑叔怒曰。子忘景公之命乎。諸大夫相視
欲悔。陽生前頓首曰。可則立之。否則已。鮑叔恐
禍起。乃復曰。背景公子也。何爲不可。乃與盟立
陽生。是爲悼公。悼公入宮。使人遷晏孺子於駟
殺之。而逐孺子母芮子。芮子故賤。而孺子小故。

無權國人輕之。○魏武侯卒。子瑩與公中緩子
爲太子。韓懿侯與趙成侯并兵以伐魏。戰於濁
澤。魏氏大敗。趙謂韓曰。除魏君立公中緩。割地
而退。我且利。韓曰不可。殺魏君人必曰。暴割地
而退。人必曰貪。不如兩分之。魏分爲兩。不強於
宋衛。則我終無魏之患矣。趙不聽。韓不悅。以其
少卒夜去。惠王之所以身不歟國不分者。二家
謀不和也。若從一家之謀。則魏必分矣。故曰君
終無適子。其國可破也。○洪武元年戊申春止

月乙亥立世子標爲皇太子。先是從宋濂受經。尋命偕諸弟往臨濠謁墓。遊覽山川。經歷田野。及道途險易。以知鞍馬勤勞。觀小民生業。以知衣食艱難。察民情好惡。以知風俗美惡。詢訪父老。問起兵渡江之事。識之於心。以知創業不易。又命中書省擇官輔行。所過都邑山川城隍之神。祭以少牢。至太平存問陳廸家。賜白金五十兩。還。是年冬出閱圍丘。因令左右導之徧歷農家。觀其居處飲食器用。旣還諭之曰。汝知農之

勞乎。夫農四體務五穀。身不離畝。手不釋耒。晷終歲勤動。不得休息。其所居不過茅茨草楹。所服不過練裳布衣。所飲食不過菜羹糲飯。而國家經費皆其所出。故令汝知之。凡一居處器用之間。必念農事之勞。取之有制。用之有節。使之不至於饑寒。方盡爲上之道。若復加之橫歛。則民不勝其苦矣。故爲民上者。不可不體下情。至是立爲皇太子。上戒之曰。天子之子與公卿庶人之子不同。公卿庶人之子。係一家之興。

親天子之子。係天下之安危。爾承主器之重。將有天下之責也。公卿士庶人。不能修身齊家。取敗止於一身。若天子不能正身修德。其敗豈但一身一家之比。將宗廟社稷有所不保。天下生靈皆受其殃。可不戒哉。可不戒哉。是年春。始置東宮。燕官。尋建大本堂。載今古圖籍。克其中。徵四方名儒。教太子諸王。分番直夜。又選才俊之士。克伴讀。

論教之法宜豫

文王世子昔者周公攝政抗世子法於伯禽使
之與成王居欲令成王知父子君臣長幼之義
也是故養世子不可不慎也行一物而三善皆
得者唯世子而已其齒於學之謂也故世子齒
於學國人觀之曰將君我而與我齒讓何也曰
有父在則禮然然而衆知父子之道也其二曰
將君我而與我齒讓何也曰有君在則禮然
而衆著於君臣之義也其三曰將君我而與我
齒讓何也曰長長也然而衆知長幼之節矣故

父在斯爲子。君在斯謂之臣。居子與臣之節。所以尊君親親也。故學之爲父子焉。學之爲君臣焉。學之爲長幼焉。父子君臣長幼之道得而國治。語曰。樂正司業。父師司成。一人元良。萬邦以貞。世子之謂也。○保傳篇漢賈誼作夏爲天子。十有餘世而殷受之。殷爲天子。二十餘世而周受之。周爲天子。三十餘世而秦受之。秦爲天子。二世而亡。人性不甚相遠也。何三代之君有道之長。而秦無道之暴其故可知也。古之王者。太子適

生固舉以禮。使士負之。有司齊肅端冕。見之南郊。見于天也。過闕則下。過廟則趨。孝子之道也。故自爲赤子而教固已行矣。周成王幼在襁褓之中。召公爲太保。周公爲太傅。太公爲太師。保保其身體。傅傅之德義。師導之教訓。此三公之職也。於是爲置三少。皆上大夫也。曰少保。少傅。少師。是與太子晏者也。故迺孩提有識。三公三少。固明孝仁禮義以導習之。遂去邪人。不使見惡行。於是皆選天下之端士。孝悌博聞有道術。

者以衛翼之。使與太子居處出入。故太子廼生而見正事。聞正言。行正道。左右前後皆正人也。及太子少長。知妃色。則入於學。承師問道。退習而考於太傅。太傅罰其不則。而匡其不及。則德智長而理道得矣。及太子既冠成人。筓於保傅之嚴。則有記過之史。徹膳之宰。進善之旌。誹謗之木。敢諫之鼓。瞽史誦詩。工誦箴諫。大夫進謀。士傳民語。習與智長。故切而不愧。化與心成。故中道若性。三代之禮。天子春朝朝。日秋暮夕。月

所以明有敬也。春秋入學坐。國老執爵而親饋之。所以明有孝也。行以鴈和步中采齊。趣中肆夏。所以明有度也。其於禽獸見其生不忍其死。聞其聲不食其肉。故遠庖廚。所以長恩。且明有仁也。夫三代之所以長久者。以其輔翼太子有此具也。及秦而不然。使趙高傳胡亥而教之獄。所習者非斬剗人。則夷人之三族也。故胡亥今日卽位。而明日射人。忠諫者謂之誹謗。深計者謂之妖言。其視殺人若艾草菅。豈惟胡亥之性。

惡哉彼其所以道之者非其理故也。周文王使太公望傳太子及嗜鮑魚而太公弗與曰禮鮑魚不登於俎豆有非禮而可以養太子哉。

漢晁錯學申商刑名文帝使爲太子家令。武帝爲太子據立博望苑使通賓客從其所好故賓客多以異端進者。晉元帝以韓非子賜太子庾亮諫曰申韓刺薄傷化不足留聖心太子納之。陳宣帝以江總爲詹事總多文華太子叔寶爲長夜之飲。洪武三年庚戌春三月召

東宮官僚及王府官屬論之曰。輔導之臣。猶法
度之器。必先正已。而正人。蓋德義者。正人之法
度。善惡者。修身之衡鑑。汝等輔導吾子。必申其
德義。明其善惡。使之正而不流於邪。如此則能
盡輔導之職。觀之梓匠。雖有材木。必加繩削。乃
能成器。太子諸王。必得賢輔導。贊乃能成德。朕
擇汝等爲官僚。各宜盡心。又如經史中。古人已
行之事。可爲鑑戒者。採摭其事。編次成集。朝夕
覽觀。以廣智識。亦有助於輔導。群臣受命而退。

○守溪王氏曰。今國家之東宮官。以序進。未必皆天下之選。學之日。晨而授書。授畢而退。日中而進講。講畢而退。况祁寒暑雨。多皆間歇。歇之日。所與晏遊者。誰歟。不可得而知也。又近世之弊。患在上下不交。然爲太子。亦且未同於君。今也則已儼然端默。有言且不敢進。又况爲君之日乎。求上下交而德業成。胡可得也。洪武中建大本堂。取古今圖書充其中。延四方名儒教太子親王。分番夜直。才俊之士充伴讀。時時賜

賜詩商確古今。評論文學無虛日。仁宗於潛邸。臣嘗伏覩其教令。長至燕勞東宮之臣。如家人父子。又從學詩。學爲表。至有以暗逐明之喻。則本朝之初。亦未嘗如今制也。英宗幼冲。當時大臣無深遠慮。阿時所好。務爲尊君卑臣。非祖宗之法本然。今雖未能如古之制。亦宜稍畧君臣之儀。敦師友之分。使官僚日侍左右。從容誦讀之暇。宴飲出入。居處皆得周旋其間。至暮乃退。或有剪桐之戲。隨事諫止。官僚有不法。

從三司糾正之。甚者斥逐。不使邪人得預其間。此所謂一人元良。萬邦以貞。三代所以長久者。用此道也。

嫡庶之分宜辯

左傳桓十八年。周公欲弑莊王而立王子克。辛伯告王。遂與王殺周公黑肩。王子克奔燕。初。子儀有寵於桓王。桓王屬諸周公。辛伯諫曰。並后匹嫡。納政耦國。亂之本也。周公弗從。故及。○齊襄公使連稱管至戍葵丘。瓜時而往。及瓜而代。

聖成公問不至。請代弗許。故謀作亂。僖公之誅
弟曰夷仲年。生公孫無知。有寵於僖公。衣服禮
秩如適。襄公紂之。二人因之以作亂。連稱有從
妹在公宮。無寵。使間公曰。從吾以女爲夫人。冬
十月。弑君立無知。○漢成帝愛定陶王。寵於太
子。○唐太宗愛魏王泰。過於太子承乾。

廢立之失宜鑒

幽王因褒姒。廢太子宜臼而立伯服。○春秋僖
五年。公及齊侯陳侯等會王世子于首止。傳曰。

謀寧周也。杜預曰：惠王以惠后故，將廢太子鄭而立王子帶。故齊桓公帥諸侯會王世子以定其位。○晉獻公因驪姬及太子申生而立奚齊。○漢高祖寵戚姬與趙王如意，幾易太子。○隋文帝因獨孤后廢太子勇而立晉王廣，是爲煬帝。○唐玄宗寵武惠妃與壽王瑁而殺太子瑛。○德宗幾廢太子誦以李泌諫而止。

感嘆

外家謙謹之福

漢文帝竇后兄長君弟廣國字少君。聞后立。上書自陳。后言。帝召見問之。具言其故。於是竇后持之而泣。厚賜之家。於長安絳灌等曰。此兩人所出。微不可不爲擇師。得又復放。呂氏大事也。於是乃選長者之有節行者與居。長君少君由此爲退讓君子。不敢以富貴驕人。○班固曰。史丹父子相繼高以重厚。位至三公。丹之輔道。副

王掩惡揚善。傳會善意。雖宿儒達士。無以加焉。及其歷房闈。入卧內。推至誠。犯顏色。動寤萬乘。轉移大謀。卒成太子安母后之位。無言不警。終獲忠貞之報。傳喜守卽不傾。亦蒙後彫之賞。

黃氏曰。二人皆賢戚也。而傳書之所立尤難。蓋喜於傳太后爲近。屬常人之情。孰不私其親者。而太后欲與政事。則爭之。欲稱尊號。則又爭之。寧獲怒太后。被斥逐之譴。不肯違公議。取阿附之譏。其後王氏得權。追治前事。丁傳之家。皆罹

患害。惟喜獨全。且受褒賞。豈非守正之福哉。
樊宏世祖之舅。爲人謙柔畏慎。不求苟進。每當
朝會。輒迎期先到。俯伏待事。所上便宜。及言得
失。輒手自書寫。毀削草本。公朝訪逮。不敢衆對。
宗族染其化。未嘗犯法。子儵謹約。有父風。事後
母至孝。陰興光武后弟也。甚見親信。雖好施
接賓門。無俠客。帝封興爲關內侯。固讓不受。
唐吳淑肅宗后弟也。德宗時爲金吾大將軍。朱
泚反。據長安。盧杞白志貞言於上曰。臣觀朱泚

心迹必不至爲逆。願擇大臣入京城宣慰以察之。上問從臣。皆畏憚莫敢行。澈獨請行。竟爲泚所殺。郭釗憲宗妃郭太后兄也。穆宗疾太漸。命太子監國。宦官請郭太后臨朝稱制。太后不從。取制書手裂之。釗密上牋曰。若果徇其請。臣請先率諸子納官爵歸田里。太后泣曰。祖考之慶鍾於吾兄。

外家驕恣之禍

漢王氏莽等。○章帝后兄竇憲。○順帝后父商

商子冀。晉武帝后父楊駿。惠帝后族兄賈模。唐高宗后武氏姪三思。玄宗貴妃諸父楊國忠。

附錄黃氏曰。周用申伯。而戚畹始有任職之選。是時也。以賢而不以親。秦任穰侯。而戚畹始有竊政之弊。是時也。以親而不以賢。嗟乎。扳援肺腑。未免縱侈之習。依憑城社。或有專恣之權。苟不痛懲力革。則其弊有不可勝言者。故漢自呂氏顓權。產祿怙勢。白馬盟寒。爭

疏王爵。稔成北軍之變。王氏根據莽。鳳長姪。垂涎漢鼎。舉朝不問。卒致篡奪之禍。此雖呂王之罪。亦漢人抑制無法也。唐自三思亂。夫怙恩昭餞。氣使縉紳。勢傾朝野。於是有諸李殲滅之禍。國忠小人。托愛貴妃。中外傾附。倚爲太山。於是有胡雛唱亂之兵。此雖武楊之罪。亦唐人寵任太盛也。推原其由。其亦秦人作偏之過。嗚呼。竇長君少君。其質甚美。彼絳灌猶選士之有飾行者。爲之師傳賓客。東都

四姓小侯立學。且拳拳於姻戚之教。然則外戚其可無訓導裁抑之法與。

策曰。二代以前。禮教興行。宮闈嚴肅。母后無臨朝之制。戚里無干政之權。賜賞封拜。未聞也。周宣王時。申伯封謝。雖曰王之元舅。蓋南土是保。而非以母后之故。封之也。至秦昭王。羊后攝政。魏冉以母弟用事。封爲穰侯。家富於贏國。外戚封侯。實自此始。漢興。襲秦之謬。高帝封呂后父爲侯。兄澤弟穉之。則相從征。

伐者耳。孝文侯其母弟薄昭而實廣國輩乃爲絳灌擇師傳教之。尚未封也。孝景立封實族及王后之兄信。他族猶未封也。孝武時乃封母后異弟田蚡爲侯衛后弟青姊子霍去病皆爲將軍。恩始濫矣。元成以后王氏世封列侯居位輔政。國政更持。卒成新室之禍。光武中興樊陰二氏封建者數人。而寵典之賢忠謹自持。全其寵祿。孝章在位。欲侯外氏明德馬后止之。竟受封爵歸第。此雖后族之賢。

而鑒諸往轍多矣。至於竇憲父子兄弟克滿
朝廷。梁冀一門貴盛。專擅威權。幾成王氏之
變。可勝慨哉。唐以太宗爲君。長孫爲后。檢貴
幸。裁賞賚。貞觀時內里無敗族。高中相繼。柄
移豔私。玄宗天寶以後。委政妃宗。階召反虜。
以致武韋諸族。一日同刃。楊氏受戮。噍類不
遺。孰爲之也。宋之家法頗嚴。外戚皆不預政。
而母后多賢。深自裁抑。怙勢犯法。純以重刑
不少貸。若杜審瓊。曹僧以畏慎寡過。自保厥

終。而王繼勲之豪縱。在太祖且奪削之矣。他
尚奚恤哉。是以趙氏終三百年。卒無外戚之
事也。於戲。患生不測。福有慎機。履道者固。仗
勢者危。爲外戚者。何樂而不爲。自善之計。爲
母后者。何惜而不爲。門戶之謀。爲人君者。何
取於目前之寵愛。而不爲。戚里久遠圖哉。必
也。賜之有節。封之有制。不過寵以驕之。收其
權。抑其勢。毋假借以長其僭倖之心。后妃之
家。不得封侯。如孝明處馬廖可也。眷念雖厚。

不。用。爲。相。如。孝。景。處。寶。嬰。可。也。如。其。放。縱。不。
法。如。漢。文。處。薄。昭。宋。太。祖。處。王。繼。勳。亦。可。也。
此。人。君。處。外。戚。之。道。也。

宦官

歷代宦官始末

周禮內宰書版圖之法。內小臣掌王后之命。后出入前驅。閹人守中門之禁。寺人掌女宮之戒。內監掌內外之通令。凡小事。凡此之類。皆不過給使。省闈旦夕掃除。又隸於僕正。而誨且誠之。統于太宰。而黜且陟之。宮府一體。制甚善也。其後豎刁亂齊。伊戾禍宋。漢以刑餘爲周召。始得竊相之權。而陳蕃竇武且被戮焉。唐以貂璫爲

監軍始得竊將之權。郭子儀李光弼且受制焉。白典獄權歸北寺。專兵柄。握中尉而定策國老。天子門生。冠履倒置。可勝扼腕。宋之中葉童貫構禍北垂。封王開府。馴至大變。舉族北轅。嗚呼禍斯烈矣。高皇帝立法。止傳奉灑掃。不許識字。文皇帝分爲二十四監。一十八局。勒碑于門。官不過五品。法制甚嚴。章皇帝欲其讀書知禮。始以翰林官爲內傳。而司禮監遂冠諸監。於是弘治之汪直。正德之劉瑾。流毒天下。可鑒。

也。肅皇帝踐祚之初，首黜內豎而收其印綬，罷鎮守而誅其太甚。故四十五年寂然無譴，而天下享太平之澤。顯皇帝時，如馮張諸璫，依憑城社，朝歲夕除，一出國門，終身不用。至天啓間，而魏忠賢之逆熾矣。今皇上嚴持太阿，奸璫就戮，固遠邇臣民所其快也。大抵宦者百千爲群，日侍左右，踞洗可接，不冠可對，宮中秘戲可預，俳優角觝可效，而又溫辭軟語，乞憐望幸，泣龍陽之魚，騁同子之駕，煬衛君之灶，指秦廷

之鹿。凡可蠱惑者。無所不至。繇是內寵一結。外
權可移。其博喜也。金珠一入。而墨勅宣恩。其激
怒也。貝錦朝騰。而緹騎夕出。甚則內內臣。愈外
外臣。職任久淹。罔念積薪之苦。林泉棄置。永無
奉檄之期。令人見狐而詫爲虎。遇蛇而聳爲神。
齒之有路馬之嫌。向之有國狗之訕。大權罄歸
其掌。而上亦何從挾之。然其轉移之機。不在暫
御。而在主心。惟日親朝講。日近正人。不邇不羶。
使聲色盡屏。則鉅珣老宦。無所投其間。而安于

掖庭永巷之職矣。不則深居高拱。內外遼隔。雖不假之金璫左貂。建牙秉鉞。而旨從中出。必由常侍。絲綸所附。大柄隨之。片紙處分。將相莫抗。此易所以戒履霜也。

內臣忠謹之福

春秋傳僖公二十四年。晉文公既入。呂卻畏逼。將焚公宮而弑晉侯。寺人披請見。公使讓之。且辭焉。曰。蒲城之役。君命一宿。女即至。其後余從狄君以田渭濱。女爲惠公來求殺余。命女三宿。

女中宿至。雖有君命。何其速也。大袞猶在。女其
行乎。對曰。臣謂君之入也。其知之若猶未也。又
將及難。君命無二。古之制也。除君之惡。唯力是
視。蒲人狄人。余何有焉。今君卽位。其無蒲狄乎。
齊桓公置射鉤。而使管仲相。君若易之。何辱命
焉。行者甚衆。豈惟刑臣。公見之。以難告。三月。齊
侯潛會秦伯于王城。己丑。晦。公宮火。瑕甥、郤芮
不獲。公乃如河上。秦伯誘而殺之。○漢元帝時
史遊爲黃門令。勤心納忠。有所補益。○順帝時

中常侍良賀清儉退厚位至大長秋陽嘉中詔
九卿舉武猛賀獨無所薦帝問其故對曰臣生
自草茅長於宮掖既無知人之明又未嘗交接
士類昔衛鞅因景監以見有識知其不終今得
臣舉者匪崇伊辱固辭之。呂強爲中常侍清
忠奉公靈帝時例封宦者以強爲都鄉侯強辭
讓懇惻固不敢當帝乃聽之具上疏言其不可
帝多蓄私藏強上疏諫不省黃巾賊起勸帝先
誅左右貪濁者大赦黨人料簡刺史二千石能

否。帝納之。後竟爲中常侍趙忠等所構自殺。○
唐劉貞亮性忠強。議義理。順宗立。王叔文等用
事。貞亮惡朋黨熾結。勸立憲宗。議者美其忠。然
終身無所寵假。○馬存亮元和時知內侍省事。
進左神策中尉。軍所籍凡十餘萬。存亮料簡尤
精。任無罷士。都無冗員。敬宗初。除蘇玄明亂。一
時功最高。乃推委權勢。求淮南監軍。○嚴遵美
歷左軍容使。嘗嘆曰。北司供奉官以胥衫給事。
今執笏過矣。後致仕。徵爲兩軍中尉。遵美曰。一

軍尚不可爲况兩軍乎。固辭不起。隱青城山。年八十餘卒。

內臣預政之禍

左傳僖公二年。齊寺人貂始漏師于多魚。按真氏曰。內臣預政自此始。○漢宦官傳曰。易曰。天垂象。聖人則之。宦者四星。在皇帝位之側。周禮置官。亦備其數。闢者守中門之禁。寺人掌王宮之戒。其來尚矣。漢襲秦制。置中常侍官。然亦用士人以叅其選。皆銀璫左貂。給事殿省及高后。

稱制。乃以張卿爲大謁者。出入卧內。受宣詔命。文帝時。有趙談比于伯子。頗見親幸。至武帝數宴後庭。或潛遊離館。故請奏機事。多以宦人主之。中興之初。宦官悉用閹人。不復雜調他士。永平中。始置員中常侍四人。小黃門十人。和帝卽阼。幼弱。而竇憲兄弟專總權威。內外臣僚莫由親接。所與居者。惟閹官而已。故鄭眾等得專謀禁中。終除大憝。遂享分土之封。超登公卿之位。於是中官始盛焉。委用漸大。而其員稍增。中常

禍生所忽。玄宗以遷崩。憲敬以弑。頤文以憂憤。
至昭而天下亡矣。禍始開元。極於天祐。凶悖參
會。奸黨殲滅。王室從而迭喪。譬猶灼火攻蠹。蠹
盡木焚。詎不哀哉。跡其殘氣不剛。柔情易遷。褻
則無上。怖則任怨。借之權則專。爲禍則急。而近
緩相攻。急相一。此小人常勢也。

博物典彙卷之八

史官黃道川參玄氏卷

正治

總論朝廷之政

周禮惟王建國。辨方正位。體國經野。設官分職。以爲民極。按葉時曰。聖人以中道立標準於天下。而使天下之人取中焉。武王訪洪範於箕子。以叙彛倫而五。以皇極居中。古今未有合皇極而能立國者。今以周禮考之。土圭測景。以求地

中建國也。面朝後市。左祖右社。辯方也。朝分內外。位別東西。正位也。公五百里。至男百里。體國也。九夫爲井。至四縣爲都。經野也。一曰天官。至六曰冬官。設官也。一曰治職。至六曰事職。分職也。而周公則總之以爲民極焉。極也者。不識不知。順帝之則。如堯之立民是也。是彛是訓。于帝其訓。如周之敷言是也。○太宰之職。掌建邦之六典。以佐王治邦國。一曰治典。以經邦國。以治官府。以紀萬民。二曰教典。以安邦國。以教官府。

以擾萬民。三曰禮典。以和邦國。以統百官。以諧萬民。四曰政典。以平邦國。以正百官。以均萬民。五曰刑典。以詰邦國。以刑百官。以糾萬民。六曰事典。以富邦國。以任百官。以生萬民。○朱子曰。天子至尊無上。其居處則內有六寢六宮。外有三朝五門。其嬪御侍衛飲食衣服貨賄之官。皆領於家宰。其冕弁車旗宗祝巫史卜筮瞽侑之官。皆領於宗伯。有師以道之教訓。有傳以傳其德義。有保以保其身體。有師氏以嫀詔之。有保

氏以諫其惡。前有疑。後有丞。左有輔。右有弼。其侍御僕從。罔匪正人。以旦夕承弼厥辟。出入起居。罔有不欽。發號施令。罔有不臧。在輿有旅賁之規。位宁有官師之典。倚几有訓誦之諫。居寢有瞽御之規。臨事有瞽史之道。安居有工師之誦。史爲書。瞽爲詩。工誦箴諫。大夫規誨。士傳言。庶人諉。商旅于市。百工獻藝。動則左史書之言。則右史書之。御瞽幾聲之。上下不幸而至於有過。則又有爭臣七人。而拆廷爭。以正教之。蓋所

以養之之備。至於如此。是以恭已南面。中心無
爲。以守至正。而貌之恭。足以作肅言之從。足以
作乂。視之明。足以作哲。聽之聰。足以作謀。思之
庸。足以作聖。然後能以八柄馭群臣。以八統馭
萬民。而賞無不慶。刑無不威。遠無不至。邇無不
服。傳說所謂奉若天道。建邦設都。樹后王君公。
承以大夫師長。不惟逸豫。惟以亂民。武王所謂
亶聰明。作元后。元后作民父母。所謂天降下民。
作之君。作之師。惟其克相上帝。寵綏四方。箕子

所謂皇建其有極。欽時五福用敷。錫厥庶民。惟時厥庶民于汝極。錫汝保極。董子所謂正心以正朝廷。正朝廷以正百官。正百官以正萬民。正萬民以正四方者。正謂此也。

正綱紀

禮記曰。聖人作爲父子君臣以爲紀綱。紀綱旣正。天下大定。○白虎通曰。綱。張也。紀。理也。大綱。小紀。所以張理上下。整齊人道也。○書五子之歌。其三曰。亂其紀綱。乃底滅亡。○詩大雅。棫樸

之篇曰。勉勉我王。綱紀四方。○唐韓愈曰。善醫者不視人之肥瘠。察其脈之病否而已矣。善計天下者不視天下之安危。察其紀綱之理亂而已矣。天下者人也。安危者肥瘠也。紀綱者脈也。脈不病。雖瘠不害。脈病而肥者死矣。通於此說者。其知所以爲天下乎。○朱子曰。綱紀不能以自立。必人主之心術公平。正大無偏黨反側之私。然後綱紀有所繫而立。君心不能以自正。必親賢臣。遠小人。講明義理之歸。閉塞私邪之路。

然後乃可得而正也。

定名分

易之辯上下。定民志。法乎上天下澤自然之象。書之樹后王。君公承以大六師長。由於明王奉順上天之道。是以尊之臨卑下之奉上一。惟法天地自然之數。順天道自然之常而已。○記曰。名者人治之大者也。可無慎乎。○左傳莊公十八年。虢公晉侯朝王。王鄉醴。命之宥。皆賜玉五。穀馬三匹。非禮也。王命諸侯。名位不同。禮亦異。

數不以禮假人。○成二年衛新築人仲叔于奚
救孫桓子。桓子是以免。既衛人賞之以邑。辭請
曲縣。繁纓以朝。許之。仲尼聞之曰。惜也不如多
與之邑。惟噐與名不可以假人。

公賞罰

一 臯陶謨。天命有德。五服五章哉。天討有罪。五刑
五用哉。政事懋哉。懋哉。○詩商頌。殷武篇曰。天
命降監。下民有嚴。不僭不濫。不敢迨遑。按丘氏
曰。此言商高宗所以致中興之道。○周禮天官

太宰以入則治都鄙其七曰刑賞以馭其威。
以八柄詔王馭群臣。一曰爵以馭其貴。二曰祿
以馭其富。三曰予以馭其幸。四曰置以馭其行。
五曰生以馭其福。六曰奪以馭其貧。七曰廢以
馭其罪。八曰誅以馭其過。○春秋左傳蔡聲子
曰善爲國者賞不僭而刑不濫。賞僭則懼及淫。
入刑濫則懼及善人。若不幸而過寧僭無濫與。
其失善寧其利淫無善人則國從之。○漢宣帝
之詔有曰有功不賞有罪不誅。雖唐虞不能以

化天下。唐太宗謂房玄齡曰。有功則賞。有罪則刑。誰敢不竭心盡力以修職業。

謹號令

周官王曰。嗚呼。凡我有官君子。欽乃攸司。慎乃出令。令出惟行。弗惟反。以公滅私。民其允懷。○
穀梁傳曰。爲天下主者。天也。繼天者。君也。君之所存者。命也。爲人臣而使其君之命而用之。是不臣也。爲人君而失其命。是不君也。君不君。臣不臣。此天下所以傾也。○禮記王言如絲。其出

如綸。王言如綸。其出如綽。○漢賈山言於文帝曰。臣聞山東吏布詔令。民雖老羸癯疾。扶杖而往聽之。願少須臾。母死。思見德化之成。○光武時。天下已定。務用安靜。以手迹賜萬國者。一劄十行。細書成文。勤約之風行於天下。○唐陸贄從德宗幸奉天。嘗奏曰。今乘輿播遷。陛下宜痛自引過。以感人心。德宗從之。故行在詔書始下。雖驕將悍卒。莫不揮涕激蕩。及還京師。李抱真來朝。奏曰。陛下在山南時。山東士卒聞書詔之

離無不感泣。思奮臣節。臣知賊不足平也。○宋
劉安世曰。昔之善觀人國者。不視其世之盛衰。
而先察其令之弛張。未論其政之醇醜。而先審
其令之繁簡。此聖人所恃以鼓舞萬民之術也。
傳曰。令重則君尊。曰國之安危在出令。凡此皆
慎重之意也。

廣言路

書益稷帝曰。來禹。汝亦昌言。又曰。予違汝弼。汝
無面從。退有後言。○商王高宗立。傳說作相。命

之曰朝夕納誨以輔台德說復於王曰惟木從
繩則正后從諫則聖后克聖臣不命其承疇敢
不祗若王之休命○左傳襄公十四年師曠曰
天生民而立之君使司牧之勿使失性有君而
爲之貳使師保之勿使過度是故天子有公諸
侯有卿卿置側室大夫有二宗士有朋友庶人
工商阜隸牧圉皆有親暱以相輔佐也善則實
之過則匡之患則救之失則革之自王以下各
有父兄子弟以補察其政史爲書瞽爲詩工誦

箴諫大夫規訓士傳言庶人謗商旅于市百工
獻藝故夏書曰道人以木鐸徇於路官師相規
工執藝事以諫正月孟春於是乎有之諫失常
也天之愛民甚矣豈其使一人肆於民上以從
其淫而棄天地之性必不然矣○國語曰周厲
王虐國人謗王王怒得衛巫使監謗者以告則
殺之國人莫敢言道路以目王喜告召公曰吾
能弭謗矣乃不敢言召公曰是韜之也防民之
口甚於防川川壅而潰傷人必多民亦如之是

故爲川決之使導。爲民者宜之使言。故天子聽政。使公卿至於列士。獻詩。瞽獻典。史獻書。師箴。瞽賦。矇誦。百工諫。庶人傳語。近臣盡規。親戚補察。瞽史教誨。耆艾修之。而後王斟酌焉。是以事行而不悖。○漢文帝每朝。郎從官上書疏未嘗不止。輦受其言。言不可用。置之。言可用。采之。未嘗不稱善。○唐太宗神采英毅。群臣進見。皆失舉措。太宗知之。每見人奏事。必假以辭色。黃開規諫。○宋太祖建隆二年。詔令每月內殿起居。

百官以次轉對並指陳時政得失事有急切許
一時入閣上章不候次對。高宗詔自今後行
在百官。日輪一員面對。朕當虛寧以聽其言。按
丘氏曰。唐人有轉對之制。宋太祖因之遂爲一
代之法。陸贄曰。爲下者莫不願忠。爲上者莫
不求治。然而下每苦上之不治。上每苦下之不
忠。若是者何。兩情不通故也。下之情莫不願達
於上。上之情莫不求之於下。然而下恒苦上之
難達。上恒苦下之難知。若是者何。九弊不去故。

也。所謂九弊者，上有其六，而下有其三。好勝人，耻聞過，騁辨給，術聰明，厲威嚴，恣疆慢，此六者，君上之弊也。謂諛願望，畏愼，此三者，臣下之弊也。上好勝，必甘於佞辭；上耻過，必忌於直諫。如是，則下之諛諛者，順旨而忠實之語不聞矣；上騁辨給，必勦說而折人以言；上術聰明，必臆度而虞人，以詐如是，則下之顧望者，自便而切磨之辭不盡矣；上厲威，必不能降情以接物；上恣慢，必不能引咎以受規。如是，則下之畏愼者，避

舉而情理之說不申矣。夫以區域之廣大，生靈之衆多，宮闕之重深，高卑之限隔，自衆獻而上，獲覲至尊之光景者，踰億兆而無一焉。就獲覲之中，得接言議者，又千萬無一。幸而得接者，猶有九弊居其間，則上下之情所通鮮矣。

辨人材

皋陶曰：「都在知人。」在安民。禹曰：「吁！戚若時。」惟帝其難之。知人則哲，能官人。安民則惠，黎民懷之。能哲而惠，何憂乎驩兜？何遷乎有苗？何畏乎巧

言令色孔壬。皋陶曰都亦行有九德。亦言其人
有德。乃言曰載采采。禹曰何。皋陶曰寬而栗。柔
而立。應而恭。亂而敬。擾而毅。直而溫。簡而廉。剛
而塞。疆而義。彰厥有常。吉哉。日宣三德。夙夜浚
明有家。日嚴祗敬六德。亮采有邦。翕受敷施。九
德咸事。俊乂在官。百僚師師。百工惟時。撫於五
辰。庶績其凝。魏文侯問置相於李克。克曰居
視其所親。富視其所與。達視其所舉。窮視其所
不爲。貧視其所不取。莊子曰。君子遠使之而

觀其忠。近使之而觀其敬。煩使之而觀其能。卒
焉問之而觀其智。急與之期而觀其信。委之以
財而觀其仁。告之以危而觀其節。醉之以酒而
觀其則。雜之以處而觀其色。尤微至不肖人得
矣。陸贄言於德宗曰。舉措不可以不審。言行
不可以不稽。訥訥寡言者。未必愚。喋喋利口者。
未必智。鄙粗忤逆者。未必悖。承順協可者。未必
忠。故明主以辭盡人。不以意選士。凡制爵祿。與
衆共之。先論其才。乃授以職。所舉必試之以事。

所言必考之於成。然後苟且不行。而真實在位
矣。如或好善而不擇所用。悅言而不驗所行。進
退隨愛憎之情。離合係異同之趣。雖甚精微。亦
不能無謬。○蘇東坡曰。人之難知也。江河不足
以喻其深。山谷不足以配其險。浮雲不足以比
其變。揚雄有言。有人而作之。無人則輟之。夫苟
見其作而不見其輟。雖盜賊而伯夷可也。然古
有名知人。其效如影響。其信如著龜。此何道也。
哉。彼其觀人也。亦多術矣。委之以利。以觀其節。

乘之以猝以觀其量。伺之以獨以觀其守。懼之以敵以觀其氣。故晉文公以壺飡得趙衰。郭林宗以破氍得孟敏。是豈一道也哉。夫與仁同功而謂之仁。則公孫弘之布被與子路之組袍何異。陳仲子之簞李與顏淵之簞瓢何辨。何則功者人所趨也。過者人所避也。審其趨避而真偽見矣。古人有言曰。放麇違命也。推其仁可以托國。斯言爲觀過知仁也歟。朱子曰。知人之難。堯舜以爲病。孔子亦有聽言觀行之戒。然嘗思

之。此特爲小人設耳。若皆君子。則何難之有哉。
蓋天地之間。有自然之理。凡陽必剛。剛必明。明
則易知。凡陰必柔。柔必暗。暗則難測。故聖人作
易。遂以陽爲君子。陰爲小人。其所以通幽明之
故。類萬物之情者。雖百世不能易也。嘗竊推易
說。以觀天下之人。凡其光明正大。疎暢洞達。如
青天白日。如高山大川。如雷霆之爲威。而雨露
之爲澤。如龍虎之爲猛。而麟鳳之爲祥。磊磊落
落。無纖芥可疑者。必君子也。而其依阿沮洳。圓

互隱伏。糾結如蛇蚓。噴細如蟻蟲。如鬼蜮。狐蜚。
如盜賊。誼視閔。倏狡獪。不可方物者。必小人也。
君子小人之極。既定於內。則其形諸外者。雖言
談舉止之微。無不發見。而況於事業文章之際。
尤所謂粲然者。彼小人者。雖曰難知。而亦豈得
而逃哉。

聚臣

敬大臣

虞書帝曰吁。臣哉鄰哉。罔哉。臣哉。禹曰兪。帝
庸作歌曰。勅天之命。惟時惟幾。乃歌曰。股肱喜
哉。元首起哉。百工熙哉。皋陶拜手稽首。颺言曰。
念哉。率作興事。慎乃憲。欽哉。屢省乃成。欽哉。乃
賡載歌曰。元首明哉。股肱良哉。庶事康哉。又歌
曰。元首叢脞哉。股肱惰哉。萬事隳哉。帝拜曰。兪
往欽哉。○詩大雅卷阿召公從成王游歌於卷

阿之上而作。其第五章曰。有馮有翼。有孝有德。以引以翼。豈弟君子。四方爲則。其卒章曰。君子之車。旣廣且多。君子之馬。旣閑且馳。矢詩不多。維以遂歌。按丘氏曰。其卒章所謂維以遂歌。猶書皋陶謨帝舜之載歌也。則是自古帝王所以敬禮其臣相與遊歌者。有自來矣。我太祖萬幾之暇。條成大誥三編。以示天下臣民。其初編之首。卽以君臣同遊爲第一。○謝氏枋得曰。三代而上。國有大政。有大議。有大疑。皆決於老成。

人之言。曰國任舊人共政。殷先王所以立國也。
曰人惟求舊曰無侮老成人。盤庚所以興也。曰
汝惟商考成人宅心之訓。周公所以訓康叔也。
黎老播棄。格人罔敢知言。紂所以亡也。在位罔
或者壽俊。在厥服。平王所以東遷也。

消朋黨

歐陽氏曰。當漢之亡也。先以朋黨禁錮天下賢
人君子。而立其朝者。皆小人也。然後漢從而亡。
及唐之亡也。又先以朋黨盡殺朝廷之士。而其

餘存者皆庸懦不肖傾險之人也。然後唐從而
亡。夫欲空人之國而去其君子者必進朋黨之
說。欲孤人主之勢而蔽其耳目者必進朋黨之
說。欲奪國而與人者必進朋黨之說。夫爲君子
者固嘗寡過。小人欲加之罪則有可誣者。有不
可誣者。不能遍及也。至欲舉天下之善求其類
而盡去之。惟指以爲朋黨耳。故親戚故舊謂之
朋黨可也。交遊執友謂之朋黨可也。官學相同
一謂之朋黨可也。門生故吏謂之朋黨可也。是數

者皆其類也。皆善人也。故曰欲空人之國而去其君子者。惟以朋黨罪之。則無免者矣。○又曰君子以同道爲朋。小人以同利爲朋。爲人君者。但當退小人之僞朋。用君子之真朋。則天下治矣。○蘇子曰。君子如嘉禾也。封植之甚難。而去之甚易。小人如惡草也。不種而生。去之爲最難。斥其一。則援之者衆。盡其類。則衆之致怨也深。小者復用而肆威。大者得志而竊國。善人爲之掃地。世主爲之屏息。譬斷蛇不灰。刺虎不斃。其

傷人則愈多矣。

篡臣

春秋傳晉魏絳曰昔有夏之方衰也后羿自鉏
遷下窮石。因夏民以代夏政。恃其射也。不修民
事。而淫于原野。棄武羅伯。困熊羆龍圉。而用寒
浞。伯明氏之讒子弟也。伯明后寒棄之。夷羿收
之。信而使之以爲己相。浞行媚于內。而施賂于
外。愚弄其民。而妖羿于田。樹之詐慝。以取其國
家。外內咸服。羿猶不悅。將歸自田。家衆殺而烹

之。泥因拜室。○史記齊世家田乞事齊景公爲大夫。其收賦稅於民。以小斗受之。其粟予民以大斗。行陰德於民。而景公弗禁。由此田氏得齊衆心。宗族益強。晏子數諫。公弗聽。傳至田恒。盡誅鮑晏監氏及公族之強者。而割齊自安平以東。至瑯琊。自爲封邑。至田和乃遷其君康公於海上。食一城以奉其先祀。和立爲齊侯。按真氏曰。左傳載晏子對景公畧曰。陳氏雖無大德而有施於民。公厚歛焉。陳氏厚施焉。民歸之矣。後

世若少情。陳氏而不亡。則國非其國也。公曰善哉。是可若何。對曰。唯禮可以已之。在禮家施不及國。大夫不收公利。公曰善哉。我不能矣。史記所謂晏子諫而君不聽者此也。○又曰。易曰。臣弑其君。云云早辨也。田氏之禍在景公世。猶可爲也。及其既久。則不可爲矣。漢人有言。權臣易世。則危。蓋言顓國之久。則其權不可收。其勢不可制。必至於危也。故田乞之後有田常。遂以代齊。季宿之後有意如。亦以攝魯。至於鳳奔操不之

於漢懿師昭炎之於魏皆以其漸取之由其不早辨故也。

姦臣

秦趙高令二世嚴法刺刑盡滅宗族及先帝之舊臣且勸以肆意寵樂深拱禁中。○李斯相二世勸行督責之術。○漢石顯弘恭自先帝時久典樞機明習文法元帝初卽位多疾以顯久典事中人無外黨精專可信任遂委以政事顯爲人巧慧習事能探得人主微指內溪賊持詭辨

以中傷人。忤恨睚眦，輒被以危法。○晉賈充白
文帝時，寵任用事。武帝爲太子，充頗有力，故益
有寵於帝，充爲人巧譖。與太尉荀顗侍中荀最
中書監馮統相爲黨友，朝野惡之。○梁武帝時
中領軍朱异，文華敏給，曲營世譽，得幸於上。异
善伺候人主意，爲阿諛用事三十年，廣納貨賂，
欺罔視聽，遠近莫不忿疾。園宅玩好，飲膳聲色
已窮其極，每休暇，車馬填門。○隋煬時，御史大
夫裴蘊與裴矩、虞世基參掌樞密，善伺候人主。

欲意所欲罪者則曲法煇成其罪所欲宥者則附從輕典是後弋小之獄皆以付蘊蘊甚機辯言若縣河或重或輕皆由其口時人不能致詰○唐高宗之爲太子李義府爲太子舍人嘗獻承華箴末云佞諛有類邪巧無方其萌不絕其害必長義府又誦事太子而文致若讜直者○玄宗晚年自恃承平以爲天下無復可憂遂居禁中專以聲色自娛悉委政事於李林甫林甫媚事左右迎合上意以固其寵杜塞言路掩蔽

聰明以成其姦。妬賢嫉能。排抑勝已。以保其位。
屢起大獄。誅逐貴臣。以張其勢。自皇太子以下。
畏之側足。凡在相位十九年。養成天下之亂。而
上不之悟也。楊國忠爲宰相。便佞專狗。帝嗜欲
不顧天下成敗。知帝雅意欲事邊。故身調兵食。
取習文簿惡吏任之軍。凡須索。快成其手。德宗
時。盧杞爲相。知上性多忌。因以疑似離間群臣。
始勸上以嚴刺御下。中外失望。

讒臣

詩十月之交。大夫刺幽王也。其八章曰。黷勉從事。不敢告勞。無罪無辜。讒口囂囂。下民之孽。匪降自天。噂沓背憎。職競由人。○小弁大夫刺幽王也。太子之傅作焉。其七章曰。君子信讒。如或酬之。君子不惠。不舒究之。○巧言刺幽王也。大夫傷於讒。故作是詩也。其二章曰。亂之初生。僭始既誣。亂之又生。君子信讒。君子如怒。亂庶遄沮。君子如祉。亂庶遄已。○何人斯。蘇公刺暴公也。暴公爲卿士而譖蘇公焉。其卒章曰。爲鬼爲

蜮則不可得。有覲面目。視人罔極。○巷伯刺幽
王也。寺人傷於讒。故作是詩也。萋兮斐兮。成是
貝錦。彼譖人者。亦已太甚。哆兮侈兮。成是南箕。
彼讒人者。誰適與謀。○青蠅。大夫刺幽王也。營
營青蠅。止於樊。豈弟君子。無信讒言。營營青蠅。
止于棘。讒人罔極。交亂四國。○晉獻公生太子
申生。又娶二女於戎。生重耳。夷吾。晉伐驪戎。以
驪姬歸。生奚齊。其娣生卓子。驪姬嬖。欲立其子。
賂外嬖梁五。與東閼嬖五。使言於公曰。曲沃君

之宗也。蒲與二屈君之疆也。不可以無主。宗邑無主。則民不威。疆場無主。則啟戎心。若使太子主曲沃。而重耳夷吾主蒲與屈。則可以威民而懼戎。且旌君伐。晉侯說之。使太子居曲沃。重耳居蒲。夷吾居屈。唯二姬子在絳。二五卒與驪姬譖群公子而立奚齊。晉人謂之二五耦。○公之優曰施。通於驪姬。驪姬問曰。吾欲爲難。安始而可。優施曰。必於申生。其爲人小心精潔。精潔易辱。甚精必愚。是故先施譏於申生。○宋寺人惠

牆伊戾爲太子。內師而無寵。楚客聘於晉。過宋。太子請野享之。公使往。伊戾請從之。至則執用牲。加書徵而騁告公曰。太子將爲亂。旣與楚客盟矣。公曰。爲我子。又何求。對曰。欲速。公使視之。則信有焉。問諸夫人。與左師。則皆曰。固聞之。公囚太子。乃縊而死。公徐聞其無罪也。乃烹伊戾。○宋寺人柳有寵於平公。太子佐惡之。華合比曰。我殺之。柳聞之。乃坎用牲埋書而告公曰。合比將納亡人之族。旣盟于北郭矣。公使視之。有

焉。遂逐華合比。○楚費無極。請郤宛於令尹子常。盡滅其族。按莫氏曰。費無極之陷郤宛也。豈不冤哉。郤宛未嘗欲飲子常。子常未嘗欲就郤氏以欽也。鑿空造端。締怨梯禍。旣勸以甲兵。獻子常。又從而譏之。惟兵在門。有實可驗。子常安得而不信。諸三族無罪而誅。由無極一言以陷之也。嗚呼。酷哉。○屈平爲楚懷王左徒。王甚任之。上官大夫與之同列。爭寵而心害其能。懷王使屈原造爲憲令。上官因譏之曰。王使屈平爲

令。衆莫不知。每一令出。平伐其功曰。非我莫能爲也。王怒而疏屈平。○漢張湯譖頗異。○晉荀勗馮紵譖張華及齊王攸。○賈后譖愍懷太子適。○北齊祖珽譖斛律光。○唐玄宗時。優人以魑戲譖宋璟。○李逢吉等譖裴度。○宋王欽若譖寇準。

傷幸之臣

齊桓公末。管仲病。公問群臣誰可相者。管仲曰。知臣莫若君。公曰。易牙何如。對曰。殺子以食君。

非人情不可。曰：開方何如？對曰：倍親以適君，非人情，難近。公曰：豎刁何如？對曰：自宮以適君，非人情，難親。管仲死，公用三子。三子專權，公卒，易牙入與豎刁。因內寵，殺群吏而立公子無詭。宋伐齊，齊人殺無詭。立孝公。孝公卒，公弟湣囚開方，殺孝公子而立湣。趙孝成王時，客有見王曰：世有所謂桑癰者，王知之乎？王曰：未之聞也。曰：所謂桑癰者，便僻左右之人，及優愛孺子也。此皆能乘王之醉昏而求所欲於王者也。是能

得之於內。則大臣爲枉法於外矣。按真氏曰。是時建信君以色寵於王。客所謂便僻左右之人。與優愛孺子者。蓋指建信而言也。○漢哀帝寵董賢。○靈帝寵任芝樂松。○北齊主湛寵和士開。

聚歛之臣

漢武帝時桑弘羊領大司農。盡筦天下鹽鐵。行均輸之法。以陰奪商賈之利。○唐玄宗時戶部侍郎宇文融。性精敏。應對辨給。以治財賦得幸。

於土始廣置諸使競爲聚歛百姓皆愁苦之及融旣敗而楊慎矜得幸於是韋堅王鉷之徒競以利進百司有事權者稍稍別置使以領之。德宗始用盧杞趙贊之徒創問架陌錢之法其後又用裴延齡判度支以不可索之錢爲可索以見在之錢爲羨餘而帝寵之甚厚。